

# gnènt...

è mòrt valguni sta matina  
l'ai vùst en pónta al dé  
strisàndo tut el ciél sóra na nùgola  
come a ghe córer dré 'i osèi  
che i sgóla a scarmenón

l'è stà 'n susùr pù gréo  
ghiaciöl de dént 'n de 'l cör  
spetàr se dala nebia nase 'n sgiànz  
gatando sol, l'azùr de 'n bùs  
'mpienù de céndro, grisa

me sento 'n mèz le còste  
goel vöit che šà de préda  
balòt, che 'l cùcia 'nsìn el vènt zidiós  
a rudolón 'n de 'l stomec  
lavìn su i sogni mèi

e cerco 'ncor, sul dé,  
par desgaisàr da 'l giòm  
resón, 'ngartiàde da 'n gatèl rebùf  
ombrìa pù greva arènt  
caröl che scava 'l fónt

è mort valguni sta matina  
ma gnènt no se è pandù  
anca 'l batòcio de la granda à tasèst cèt  
negùn à dit pù gnènt  
sol òci, fisi 'n tèra

che 'l sia stà 'l siore Dio  
goel cic' perdù 'n de 'l vènt?

**Giuliano**

Questo/a opera è pubblicata con una [Licenza Creative Commons](#)

